

Representanten di Aruba a ricibi Famia Real den Parlamento

'Shoco' a domina den presentacion di regalo na Su Mahestad Reina Beatrix

ORANJESTAD—Miembro nan di Parlamento, particularmente e miembronan femenino tabata bisti den nan miho atuendo pa ricibi miembronan di Famia Real, Su Mahestad Reina Beatrix, Prins di Oranje Willem-Alexander y Prinses Maxima. For di nan plataforma aparta, cu a comparti tambe cu Ministernan, miembronan di e organo legislativo por a observa e ceremonia protocolar.

Despues cu Famia Real a bay haci un bishita na Su Excelencia Gobernador Fredis Refunjol, e miembronan di Parlamento mes a reuni pa haya e ultimo informacionnan riba protocol for di Sr. Atan Lee. Para den sala di Parlamento, nan tabata musta entusiasma pa e bishita y mester bisa cu contrario cu ora tin reunion di Parlamento, ayera tur tabata manera un. E Parlamentarionan no a para den fraccionnan separa, sino a forma un circulo pa warda e yegada di Famia Real.

Algun miembro di prensa, tanto di Hulanda, Merca y Aruba a haya oportunidad pa por a saca potret di e prome encuentro den Parlamento, pero locual mas tabata yama e atencion, tabata e vestuario di e Parlamentarionan femenino. Tur cu nan sombrenan elegante. Sala di Parlamento mes tabata dorna cu bouquetnan yena cu floran Oranje.

Un rato despues Su Mahestad Reina Beatrix, Prins di Oranje Willem Alexander y Prinses Maxima a haci nan entrada y despues di a Saluda tur e Parlamentarionan, a separa pa combersa cu e diferente gruponan. Prensa cu tabata permiti pa tres minuut so, no por a capta e combersa-



cionnan, particularmente mirando cu unicamente a permiti pa saca imagen y no pa graba ningun stem. Despues di e bishita na Parlamento, Famia Real a bishita Gobierno di Aruba. A cana for di Parlamento, unda a pasa dilanti e coro di 300 mucha dirigi pa Maybelline Arends Croes, y aki a haya oportunidad pa realmente saluda tur e muchanan cu a keda para riba trottoir for di oranan di mainta. Y aki tabata unda e spontanidad di e miembronan stima di Famia Real a resalta. Tur tabata saluda, y particularmente Prinses Maxima tabata haya hopi atencion y tabata responde na yamadanan. Prome Minister Eman, hunto cu un guardia di honor forma pa padvinders di Aruba a ricibi Su Mahestad, Prins di Oranje y Prinses Maxima, cu a topa cu miembronan di Gabinete Mike Eman I, durante cua a ricibi dos regalo. E prome tabata un cuadro di un potret digital di Shoco, cu tabata para dilanti un serie di potretan digital mas chikito, di diferente parha y otro fauna di

cua Parke Nacional Arikok tambe ta afilia.

Finalmente despues di e encuentro cu Gobierno, su Mahestad Reina Beatrix,

dia di padvinders unda Su Excelencia Gobernador Fredis Refunjol tabata warda nan pa escolta nan bek pa hotel, cu tabata e final



Prins di Oranje Willem-Alexander y Prinses Maxima a bolbe pasa pa e guar-

tambe di e ceremonia protocolario di e Bishita Real 2011. □